

19. april

Inuup sananeqaataasa ilisarnaataannik qitiusumik nalunaarsuiffik pillugu inatsisip atuutilersinneqarneranik peqqussutissamut siunnersuut aamma inuup sananeqaataasa ilisarnaataannik qitiusumik nalunaarsuiffik pillugu inatsisip, eqqartuussisarneq pillugu inatsisip aamma qamutitik assakaasulinnik nalunaarsuisarneq pillugu inatsisip allannngortinneqarnerannik inatsimmi § 1-ip Kalaallit Nunaannut atuutilersinneqarneranik peqqussutissatut siunnersuummut (Naalagaaffinik Den Europæiske Unionip avataneersunik inuup sananeqaataasa ilisarnaatai, pussuit ipaasa assilineqarnerinik aamma qamutit pillugit paasissutissanik paarlaateqatigiittarneq) Namminersorlutik Oqartussat oqaaseqaateqarnissaat pillugu Inatsisartut aalajangiiffigisassaattut siunnersuut.

(Pinngortitamut, Avatangiisinut Inatsisinillu Atuutsitsinermut Naalakkersuisoq)

Immikkoortoq qulaani taaneqartoq imak Siumummiit oqaaseqarfigissavarput.

Siumumiit ilisimaaraarput nunatta nunarsuarmi inissisimanagera naapertorlugu illersornissakkut pingaaruteqarluinnarnera. Nunatsinnilu pinerlunnikkut pakkersimaarinninnissaq, sinaakkutinillu ersarissunik najoqqutaqarnissaq inatsiseqarnikkut peqqissaartumik tunngavissaqartinneqartariaqartoq.

Matumani pineqarput innuttaasut pinerlunnerup iluani eqqunngitsuliorfigineqarsimasut illersorneqarnissaat, ilutigitillugulu politiit suliaannut misissuisarnerni pitsaanngorsaasoqarnissaa aqutissiuunniarneqarluni. Taamaattumillu Namminersorlutik Oqartussat oqaaseqaateqarnissaat pillugu Inatsisartut aalajangiiffigisassaattut siunnersuut Naalakkersumit saqqummiunneqartoq tamakkiisumik Siumumiit taperserparput.

Siumumiit siunnersuut taperserlugu Inatsisinut Ataatsimiititaliamut suliareqqitassanngorlugu inner-suupparput.

Laura Táunâjik
Siumut